



Micrologvs|| De Ecclesiasticis|| Observationibvs.||

Bernoldus <Constantiensis>

Antverpiæ, 1565

46. De aqua aspersionis, Gloria in excelsis, Ite missa est, Credo in vnum

[urn:nbn:de:hbz:466:1-63426](#)

*De Aqua aspersionis, Gloria in excelsis,
Ite missa est, & Credo.*

CAP. XLVI.

Aqua aspersio-
nis benedictio
ab Alexandro pri-
mo instituta.

ALEXANDER Papa quintus à beato Petro constituit, ut sal & aqua benedictio ceretur ad conspergendum populum, & habitacula corum, quod & nos in omni Dominica iuxta Canones sequimur. Symmachus Papa in ordine 50. constituit, ut in Dominicis diebus & natalitijs martyrum, hymnus, Gloria in excelsis, dicatur. quod & nos obseruamus in omni Dominica, & in festis nouem lectionū, excepto infra aduentum Domini, & à septuagesima usque in Pascha. in ijs tamen diebus natalicia Apostolorū & festa sancte Mariæ iuxta Romanam consuetudinē, Gloria in excelsis, recipiunt. Semper autem cum Gloria in excelsis, Te Deum, & Ite missa est, recitamus: nisi de Natiuitate Domini in nocte, & in Cœna Domini & in vigilia Paschæ & Pentecostes. Congruè autem & in festiis diebus, Ite missa est, dicitur, quia tunc generalis conuentus celebrari solet, qui per huiusmodi denuntiationem licentiam discedendi accipere solet. Ad quotidiana autem Missarum fo-

*Cum Gloria in
excelsis, canta-
tur semper, Te
Deum, ac Ite
missa est, pra-
terquam ter in
anno.*



lempnia, non generaliter ab omnibus, sed
à religiosis conuenit, qui plus spiritua-
libus negotijs quàm secularibus inuigi-
lant; qui & reliqua dum licet officia quo-
tidie frequentant. Ergo conuenienter il-
lis post Missam vt non statim discedant,
sed vt Dominum benedicant, denuncia-
tur. Huic assertioni & ecclesiastica cōsue-
tudo videtur astipulari, quia cum, Ite mis-
sa est, dicimus, ad populū vertimur, quē
discedere iubemus. Cūm autem, Benedi-
camus Domino, dicimus, non ad populū
sed ad altare, id est, ad dominū vertimur,
nosque ipsos non addiscedēdum, sed ad
benedicendū Domino adhortamur. Sciē-
dum tamen, quod, Ite missa est, infra ad-
uentum Domini & septuagesimam, non
recitetur. non quasi eo tempore nullus
fiat conuentus, qui sit dimittendus, sed
potius pro tristitia temporis insinuanda.
Sic & Gloria in excelsis dimittitur. Cre-
do in vnū iuxta Canonem in omni Do-
minica, & in omnibus Dominicis sole-
nitatibus: item in festis Sanctæ Mariæ &
Apostolorum, & sancte Crucis, & dedica-
tionis, debet cātari, nec immeritò: nam
& de ijs singulis in eodem symbolo ali-

qua

108 MICROL. DE ECCLES.
qua reperitur commemoratio. Hoc quoque notandum, quod cum Gloria in excelsis semper Dalmaticæ & subdiaconalia resumuntur.

De septuagesima,

CAP. XLVII.

IN septuagesima Heptateuchū incipiunt. Vnde & Alexander Papa secundus constituit, ut responsoria de eadem historiā in eadem Dominica incipient, & in sequenti Dominica repeatantur. Illam autem in sabbathō ad vesperam iussit dimitti ante septuagesimā. Ab hinc usque in cœnam Domini, Te deum, Gloria in excelsis, Ite missa est, Item Dalmaticæ & subdiaconalia antiquo more dimittuntur. In bissextili anno Natiuitatem sancti Matthiæ Apostoli colimus in illa die, quæ vigiliam eius proximè sequitur, non in alia, quæ propter bissextum eo anno in eodem Kalendario iteratur.

De festis infra LXX. vel L. occurrentibus,

CAP. XLVIII.

SI Purificatio sanctæ Mariæ infra septuagesimam euenerit, nihil in ea iuxta

Ro-

Annus bissextilis.



UNIVERSITÄTS-
BIBLIOTHEK
PADERBORN